

Bosna i Hercegovina  
AGENCIJA ZA ISTRAŽIVANJE I DOKUMENTACIJU  
SEKTOR AID TUZLA

U-62

A  
P 1260/1996  
Kotorsko  
Maj 1996  
26

Broj: 15-7/96  
Dana, 12.01.1996. godine

11008156

Z A P I S N I K

GRADANIN: ORIĆ MEHO, sin Mehmeda, r.16.08.1962. godine u Potočarima, opština Srebrenica, gdje je i nastanjen, JMB 1608962183141, po zanimanju mašinbravar, bio zaposlen u Fabrici "Akumulatora" u Srebrenici, oženjen, otac troje djece, trenutno nastanjen u D.Dubravama u kući Alibašić Mehmeda, na okolnosti zarobljavanja i boravka u konc.logorima, ovlaštenim službenim licima dao je slijedeću:

I Z J A V U

Dana 11.07.1996. godine, zajedno sa ostalim borcima i ostalim narodom, krenuo sam preko PZT prema Tuzli. Pošto ne poznajem teren, ne znam tačno u kojem mjestu smo naišli na zasjedu. Odmah poslije zasjeđe došlo je do rasula i narod se razbježao u manje grupe. Poslije prve zasjeđe video sam oko 20 leševa meni nepoznatih ljudi. Usput sam video još oko 50 leševa, ali nikog nisam poznavao.

18.07.1995. godine u blizini Sandića, gledao sam sa udaljenosti oko 100 m, kada je grupa od 5-6 vojnika odvela 2 civila u podrum jedne male kućice, a ubrzo zatim čuo sam pucanje i jauke koji su dolazili iz pravca te kuće. Kasnije sam od drugih lica čuo da su se na tom dijelu puta četnici ubacivali u kolonu i da su odvodili i ubijali lica u podrumu gore pomenute kuće. Odvedena lica, kao i lica koja su ih odvodila meni su nepoznata i ne bih mogao da ih opišem, a nosili su sa sobom AP.

25.07.1995. godine zarobljen sam u Memićima, opština Kalesija od strane 15 agresorskih vojnika obučenih u maskirne uniforme i naoružanih AP i PM. Zajedno sa mnom zarobljeni su i Efendić Sakib, sin mehama iz Potočara, Orić Ševket, sin mehmeda iz Potočara, Efendić mensur, sin Mehmedalije iz Potočara, Efendić Rešad, sin Ibrahima iz Potočara, izvjesni Rešad iz Blječeve i Šehić Halid, sin Abida iz Potočara. Odmah po zarobljavanju odveli su nas u jednu napuštenu kuću gdje su nas popisali. Poslije toga u kuću su ušla tri lica u crnim uniformama, naoružani PM. jedan od njih je bio visok oko 190 cm, krupan, sijed, nosio je brkove, nosio je mindušu, sa većim krstom u uhu. Taj mindušar nas je šamarao i udatao nogama po cijelom tijelu. za vrijeme boravka u Memićima video sam kad su četnici pronijeli NN lice iz Srebrenice, koje je bilo svo krvavo, a po čitavom tijelu bile su vidljive prostrijelne rane. Dva sata po zarobljavanju prevezli su nas u Karakaj a zatim u logor Batković kod Bijeljine. U Karakaju i Batkoviću niko nas nije fizički zlostavljaо. Prvi mjesec dana boravka u logoru Batković nisu nas tjerali na prinudni rad. Po isteku mjesec dana od dana zarobljavanja, odredili su me na radnu obavezu u "Žitopromet", zajedno sa još 8 logoraša. Pored nas, registrovanih logoraša iz Srebrenice, u "Žitoprometu" su radili i izvjesni Ado, Ševko i Muhamed iz Bijeljine. Išao sam na prinudni rad i u Kotorsko kod Doboja i Odžak. U periodu oktobar-decembar 1995. godine, po naređenju izvjesnog majora, star oko 50 godina, sijed, visok 165 cm, zaduženi smo bili da srušimo novu džamiju u centru Kotorskog, a za nadzor rušenja je zadužen izvjesni policajac Šujić iz Doboja. Šujić je star oko 22 godine, visok 185 cm, plav, mršav. Šujić je trenutno upravnik zatvora u Kotorskem. Nas logoraše, Šujić je podijelio u grupe, tako da smo na rušenju džamije radili i dan i noć. Prvo su u minaret stavili 11 mina od MB 120 mm i aktivirali ih. Od te eksplozije pola minareta je srušeno, a ostatak minareta smo mi logoraši morali rušiti kamen po kamen. Za jedanaest dana džamija je bila komplet porušena, te je deviški materijal i otpatke od porušene džamije smo ručnim kolicima prevezli.

Orić Mehmed

01008157

groblje pored stare džamije, tako da se uopšte ne zna da je postojala nova džamija u Kotorskom. Većina nišana (spomenika) u groblju pored nove džamije je takođe porušeno, dok je groblje pored stare džamije pretvoreno u smetljište. Zajedno sa mnom u grupi su radili Delić nezir iz Osmača, Džanić Safet iz Blječeve, Efendić Mensur i Efendić Sakib iz Potočara. 46 dana bio sam na prinudnom radu u Odžaku, gdje sam u početku bio zadužen za skidanje stolarije (vrata i prozora) sa zgrade i da čistim zgrade. Bio sam očevidec, a i sam lično učestvovao u skidanju krovne konstrukcije sa pogona fabrike "Borova" u Odžaku". Skinuli smo 105 tabli lima dužine 15 m, a širine 1,2 m, tako da smo komplet fabriku otkrili, a limove smo prenijeli pred GP "Radnik", a gdje su dalje ti limovi odveženi nije mi poznato. Jedno vrijeme sam tovario crijepe u fabrici crijepe i bio sam očevidec kada su u Odžak, sa šleperima i viljuškarima stigli Zvorničani koji su sve mašine iz fabrike crijepe potovarili i odvezli za Zvornik.

Takođe sam video kada su iz "Vutex" izvozili mašine tako da je fabrika komplet oplovačkana. Pored pljačke fabrika u Odžaku, video sam kako pripadnici tzv. srpske vojske pljačkaju i privatne kuće i stanove po Odžaku. Tako su stanovi i kuće ostali potpuno prazni, a sa istih su skinuli stolariju i krovnu konstrukciju.

Nemam više šta da izjavim slušao sam glasan diktat izjave i u formulaciji iste i sam sam učestvovao, te je prihvatom kao svoju, što potvrđujem svojeručnim potpisom.

IZJAVU DAO:  
Orić Meho

Orić Meho

ZAPISNIČAR:

Moravcić

IZJAVU UZELI:

Huzo Omerbegović